

En diar.....

En diar as i, s dai' lem tschenkt hòn

En diar as du, s mai' lem gònz pist

s bart hòrt sai' lònge de gea'

s bart hòrt sai' lònge de mòchen de dai'na valer

òll jor sechen de plosn a kerzl mear

òll jor bissn as ist an tritt vèrrer va miar

de zait bart vort trong der mai' num tschrein, gareart hundert vert en to

de zait bart vort trong der tschmòch va de mai' haut as du kennst pet de ang sperrt

Du barst nea'mer belln sai' za glaich en miar

Du barst nea'mer belln as I kimm der no iberòll

I bar riven za sai' de dai' princessin

I bar riven za hom de kròft za richtn òlls

Du barst vergèssn s vliachen van gutzeler

Du barst vergèssn s verstecken se untn de mai'na jakn

S hòt gòp ta as du hòt noat gòp va miar abia de eart hòt noat van bòsser

S hòt gòp ta as lai de mai'na hent sai' guat gaben za tschunt mòchen an iata paka

De jarder barn der mòchen de doin sochen vergèssn mai'kinn

I bar schaun za denken òlls I ver diar aa

S bart hòrt sai' sechen de bòcksn mai'kinn, ober s bart sai' unglablech leicht aa

S ist dòn as de zait tuat, de zait ist gamòcht ver za vergèssn

Ober vergèss nia mai'kinn as de mama hòt de en hèrz òlbe drinn